

汝寧府志序



歲壬寅

皇上御宇改元十有一月汝
志成自壬午城陷迄今二
十餘年前此蓋未遑也考

汝寧府志 張序

舊志剏于正德之辛巳再
修于萬曆之戊申距壬午
缺然未修者已三十四年
况兵燹之後簡冊散逸文
獻無徵父老之傳聞更渺

不可問誠欲搜典章于旣
遑垂佚事于將來戛戛乎
其難之嗟夫寇起中原普
天鼎沸衣冠文物蕩然于
灰燼湮滅失傳者寧獨一

汝寧府志

張序

二

汝志哉茲志也首列輿地
建置次之次典禮食貨官
師次選舉武脩人物藝文
附以外紀刪訂原帙博采
邑乘視昔有加增所未脩

郡守之功烏可泯泯按天
中一郡領州縣十有四城
幅員廣狹代有沿革大抵
不及建武以前若其山水
環互接軫江楚實豫南一

都會也頻丁寇亂耗已觀
賦稅盈虛戶口多寡盛衰
之故約畧可覩予于披閱
之餘不禁掩卷而三嘆也
曰今日汝非其舊矣嘗驅

車淮汝之間攬彼山川風
土流連徃蹟仰止名賢跡
其所以盛鏡其所以衰果
其時爲之歟抑生聚教訓
之待其人耶粵稽循良莫

盛于漢牧守令長後先輝
映不獨若召若杜唐宋以
還如富鄭公歐陽文忠公
諸賢率徙補知州事數君
子之大節不盡以吏治著

然當時之治體從可知已
亦迨有明守令綦重三百
年間分符綰綬翔清惠之
聲著精勤之譽澤及生民
節炳青史固不乏人要之

官非久任事難專斷欲興
數世之利創非常之舉巍
美頽川渤海追步中牟道
州抑或功令求其前文墨
繩其後又一代之法制使

然也若夫汝南人物周秦
以來尙矣漢如陳仲舉范
孟博黃叔度許子將袁邵
公蔡君仲袁夏甫張孟侯
各以節義文章奮乎百世

謝顯道卓然爲有宋名儒
其他碩德懿行亮節顯功
比肩接踵并與數君子名
垂天壤何可更僕有明英
賢蔚起其忠介照簡編孝

友聞鄉閭或政事光于朝
野或文學顯于藝苑諸如
幽人嘉遯烈女殉名固詳
哉其志之不獨許忠節之
烈炳千秋何大復之詩雄

汝寧府志

張序

七

一代也猗歟盛矣間嘗野
衡世數揆厥形勢汝南爲
天地之中阻山帶河關阨
川谿與荆吳相表裏然其
地冲而易擾其民易動而

難靜漢以前不具論魏吳
割據尋于兵矣東晉迄梁
陳率以長淮界分南北矣
歷隋而唐藩鎮跋扈李希
烈吳少誠相繼逆命讀韓

文公平淮西鎮則汝民之
阻王化者垂五十年文德
間秦宗權復據蔡以叛距
元和之削平僭竊曾幾何
時也越宋南渡岳武穆再

復蔡州旋淪于金理宗時
孟珙會師滅金未幾尋入
于元元末汝潁兵起亂未
有已明太祖起而混一之
正德初霸寇之亂汝地半

無堅壘迫流寇肆虐蹂躪
我疆土屠戮我人民所未
陷者僅固陵一城維時蜂
蠭并起焚掠幾盡遂與明
運相終始斯亦從前未有

之變也上下千餘年間時
異勢殊率不能百年無事
民生其際歌咏太平不見
兵革幸云幸矣聞之不極
亂者不極治方今瘡痍待

汝寧府志

張序

十

起舉斯民而休養之以漸
幾康阜所謂始于樸陋終
于文明計或未遠然則勤
宣德化綏輯凋疲良司牧
之任也敬恭桑梓移易風

俗賢士大夫之事也後之
續是志者載筆而書其謂
之何

皆

康熙元年歲次壬寅長至

汝寧府志

張序

十一

穀旦

賜進士第中憲大夫

欽差整飭撫民分巡汝南道

河南按察司副使前左

春坊左中允兼內翰林

弘文院編修萊海張瑞

徵撰



汝寧府志

張序

叙

歲己亥大中丞賈公填撫
河南詰戎之暇志在崇文
興學而又竊竊焉若有所
憂蓋以中州當兵燹後典

汝寧府志 沈序

籍旣燼文獻罔徵舉廢修
墜此其時亦其責也於是
檄百八州縣纂脩志乘以
上佐

聖天子右文之治牒至刻期

戒無緩未幾各州縣志次第告竣乃合各州縣之志而成郡志又合各郡之志而成省志譬之溝渠滄海之水流滙于江于河而江

河之水復流滙而朝宗于海也汝寧太守金君以予先曾總省志之役因函其郡志問序于予予謂治國之道不外富教二者然其

道于何見之如郡國志所
紀山川土田戶口賦稅財
用物產富之之書也其紀
沿革建置學校兵防災祥
風俗與夫官師人物忠孝

節烈教之之書也使爲上
者不講富教之道則已講
富教之道必求其地之宜
興宜革者而力爲區畫之
將舍郡國志奚由乎則今

曰纂修之舉誠不容以一
朝緩也考之豫服郡分爲
八統名中州汝寧有天中
山實居天地之中古星官
土圭測日景考分數莫正

於此夫中者不偏之謂也
天地萬物惟中則正政者
正也言敷政以治邦國正
百官以正萬民也秦罷封
建置守牧錯布邦國代天

子敷政于四方也易曰中正以觀天下治邦國而敷政者所當取法也今我皇朝開基定鼎十八年于茲金君以良二千石出守是

汝寧府志

沈序

五

邦法中正之道施之政治其所謂富國教民者于是乎在又法中正之道用以纂修其所謂筆削褒貶者亦于是乎在况乎汝南賢